



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal na Isyu
Marso 29, 2010
www.philippinerevolution.net

Sumulong mula estratehikong dependensiba tungong estratehikong pagkapatas

*Mensahe sa Bagong Hukbong Bayan
Mula sa Komite Sentral,
Partido Komunista ng Pilipinas*

Sa okasyon ng ika-41 anibersaryo ng pagtatatag ng Bagong Hukbong Bayan (BHB), nagpupugay tayo sa mga Pulang kumander at mandirigma at iniuukol natin ang pinakamataas na parangal sa ating mga rebolusyonaryong martir at bayani. Binabati natin ang hanay ng mga mandirigma sa mga tagumpay nitong nagdaang taon at ginaganyak natin silang magkamit pa ng mga tagumpay sa rebolusyonaryong pakikibaka para sa pambansang kalayaan at demokrasya.

Mula nang ihayag natin ang ating estratehikong planong sumulong mula sa yugto ng estratehikong dependensiba tungong estratehikong pagkapatas sa matagalang digmang bayan, masigasig nang pinagtatalakayan ng mga kadre at kasapi ng ating Partido, mga Pulang kumander at mandirigma, mga aktibistang masa, mga alyado at ng malawak na masa ng sambayanan ang batayan, mga rekisitong pampulitika at ang estratehiya at taktika para sa pagsulong. Bakit at paano tayo magtatagumpay?

Una, ang palagiang krisis na kalagayan ng pandaigdigang sistemang kapitalista at lokal na naghaharing sistema ay nagsisilbing batayan para sa ating estratehikong plano at implementasyon nito sa susunod na limang taon. Ang kalagayang ito ay patuloy na lumalala at lalulu't lalong umiinam para sa pagsusulong ng digmang bayan.

Ikalawa, napanghahawakan ng PKP ang wastong linya sa ideolohiya, pulitika at organisasyon at mabisang nitong napamumunuan ang mamamayan at mga rebolusyonaryong pwersa. Taglay nito ang mayamang rebolusyonaryong karanasan at lahatang-panig na lakas na nakamit sa mahigit 40 taong digmang bayan para tupdin ang mga rekisitong pampulitika ng digmang bayan.

Ikatlo, taglay ng hukbong bayan sa pamumuno ng PKP ang wastong estratehiya at taktikang itinakda ng Partido para isulong ang digmang bayan. Mataas ang moral ng mga Pulang kumander at mandirigma at determinado silang bumigwas sa kaaway at tupdin ang estratehikong plano.



I. Krisis na kalagayan ng pandaigdigang sistemang kapitalista

Ang pandaigdigang sistemang kapitalista ay nayanig mula sa punda-syon hanggang sa tuktok ng sunud-sunod na mga krisis sa pinansya mula noong kalagitnaan ng dekada 1970. Ang pagbabaling ng patakaran mula Keynesianismo tungong neoliberalismo ay nagpalalim at nagpalubha lamang sa paulit-ulit na krisis.

Ang ganap na panunumbalik ng kapitalismo sa ilang bansang pinagharian ng mga rebisyunista ay ipinamamarali ng monopolyong burgesya bilang patunay na walang pag-asa ang adhikaing sosyalista at ang pandaigdigang sistemang kapitalista ay mas matatag higit kailanman. Pero sa katunayan, ang pagdami ng mga industriyal na kapitalistang bansa ay nagpasikip pa sa mundo para sa kapitalismo at nagpalubha sa krisis ng pandaigdigang sistemang kapitalista.

Naging sukduhan nang mapaminsala ang krisis sa ekonomya at pinansya sa mga imperyalistang bansa at lalo't higit sa mas atrasadong mga bansa. Itinutulak nito ang mga imperyalistang kapangyarihan para maging mas mapandambong, mas mapaniil at mas agresibo higit kailanman. Ang krisis ay lumilikha ng kalagayang kagaya ng nagbunsod sa dalawang digmaang pandaigdig noong ika-20 siglo. Ang tanging pagkakaiba ay di hamak na mas mataas ang potensyal ngayon para magrebolusyon ang mga mamamayan, lumaban ang mga bansa para sa kalayaan at maggiit ng kasarinlan ang mga bansang anti-imperyalista.

Lumilitaw ang makauring tunggalian sa pagitan ng monopolyong burgesya at proletaryado sa mga bansang imperyalista. Nahihibang ang mga imperyalistang kapangyarihan sa pag-aagawan ng teritoryong pang-ekonomya at saklaw ng impluwensya. Higit na tumitindi at nagiging marahas ang mga kontradiksiyong inter-imperyalista.

Gayunman, umiiwas pa ang

mga imperyalistang kapangyarihan sa tuwirang mararahas na salpukan at itinutuon pa nila ang kanilang dahas sa mga aping mamamayan sa mga bansang neokolonyal at atrasado. Bagamat ang China na ang pangunahing katuwang ng US sa pagpapatupad ng patakaran nitong "neoliberal na globalisasyon," ang pagkabangkarote ng patakarang ito ay nagtutulak sa China para umangkin ng sariling mga pamilihan, mapagkukunan ng langis at iba pang hilaw na materyales at mapaglalagakan ng puhunan. Tendencya nitong guluhin ang balanse ng pwersa sa hanay ng mga imperyalistang kapangyarihan.

Hindi nalulutas ang kasalukuyang krisis sa ekonomya at pinansya ng US at ng pandaigdigang sistemang kapitalista dahil ayaw bumitiw ng mga imperyalistang kapangyarihan sa kanilang neoliberal na dogma. Ginagamit lamang ang salaping pansalba mula sa pondong publiko para abonohan ang pagkalugi ng malalaking bangko at korporasyon sa industriyang militar sa halip na muling buhayin ang produksyon at empleyo. Kaya naman lumalawig at lumalalim ang krisis ng pandaigdigang kapitalismo.


Dahil lumaki na ang pagkakautang, bulnerable ang US sa mga pagsisikap ng China na magpapatupad ng mga patakarang pang-ekonomya, pangkalakalan at pampinansya na nagsisilbi sa pambansang interes nito. May pang-

matagalang kahalagahan sa Pilipinas ang ugnayang pang-ekonomya ng ASEAN at China bilang pag-alpas sa solong dominasyon ng imperyalismong US sa East Asia. Ang Shanghai Cooperation Organization ay maaaring maging panimbang sa paghahari ng US sa buong Asia.

Ang US ay patuloy na nahihigop ng mga kumunoy na likha ng mga gerang agresyon nito sa Iraq at Afghanistan. Ang mga interbensiyong militar nito sa Middle East, Africa, Central Asia at South Asia ay nakasasama sa kabuuan nitong paghahari. May ilang bansang naggiit ng pambansang kasarinlan sa East Asia, Latin America and Africa.

Patuloy ang mamamayan sa pagsusulong ng armadong paglaban sa US at mga papet nito. Sa ibang bansa tulad ng India, Pilipinas, Peru, Turkey at Colombia, nagpupunyagi ang mamamayan sa armadong pakikibaka para sa pambansang kalayaan at demokrasya. Naglulunsad o naghahandang maglunsad ng digmang bayan ang mga rebolusyonaryong partido ng proletaryado sa paparaming bansa sa Asia, Africa at Latin America.

Ang panlipunan at pampulitikang kaguluhan at ang pagsiklab ng mga rebolusyonaryong armadong pakikibaka sa pandaigdigang sistemang kapitalista ay magiging mainam sa pagsulong ng bagong demokratikong rebolusyon sa Pilipinas. Ang malakas na hilig ng US at iba pang imperyalistang kapangyarihan na maghasik ng mga gerang agresyon at terorismo ng estado laban sa mamamayan ay nagtutulak sa mamamayan na maglunsad ng rebolusyonaryong digma.



II. Krisis na kalagayan ng lokal na naghaharing sistema

Sukdulang reaksyunaryo at mapanlinlang ang rehimeng Arroyo sa paglalarawan sa katangian ng naghaharing sistema sa Pilipinas. Ipinapapanan nito sa bayan ang nakakukubang bigat ng dayuhang monopolyo kapitalismo, katutubong pyudalismo at burukrata kapitalismo sa ilalim ng mga patakarang dikta ng US tulad ng “globalisasyong neoliberal” at “pandaigdigang gera laban sa terorismo.”

Gayunman ay sige ang dakdak ng rehimen na gagawin nitong “first world country” ang Pilipinas at pilit nitong sinisisi ang paglaban ng mamamayan sa kaapihan at pagsasamantala bilang sanhi ng pagkaatrasado at kahirapan. At ginagamit nito ang gayon kalaking kasinungalingan bilang katwiran para sikaping durugin o pawalang-saysay ang rebolusyonaryong kilusan sa pamamagitan ng malulupit na kampanyang panunupil-militar mula 2001.

Lubos na nabigo ang Oplan Bantay Laya (OBL) sa lahat ng kontra-rebolusyonaryong layunin nito. Matagumpay na nakapaglunsad ng mga taktikal na opensiba ang BHB sa buong bansa kaya napabulanan ang mga pansaywar na pinagsasabi ng rehimen at naipamalas ang nag-iibayong lakas ng armadong rebolusyonaryong kilusan.

Binabalewala lamang ng mamamayan ang ipinangangalandakan ng reaksyunaryong militar tungkol sa maraming “kampo ng BHB na naagaw,” “maramihang pagsuko ng BHB,” “pagsanib sa lipunan ng mga sumukong rebelde” at mga katulad nito. Ang mga pagdukot, pagtortyur at ekstrahudisyal na pagpaslang sa mga aktibista at karaniwang mamamayan ay pinalalabas na mga lehitimong hakbang laban sa mga “kaaway ng estado” at ang mga salarin ay ginagantimpalaan at pinararangalan bilang mga

“bayani.”

Magpapatuloy at lulubha pa ang palagiang krisis ng malakolonyal at malapyudal na naghaharing sistema sa Pilipinas. Walang natahanaw na palatandaang uusbong mula sa kasalukuyang eleksiyong presidensyal ang isang bagong administrasyong tunay na magpapalaya sa Pilipinas at tatahak sa landas ng kaunlarang industriyal sa pamamagitan ng reporma sa lupa at pambansang industriyalisasyon. Ang tendensya ng mga nasa pinakamatataas na pwesto ay solohin ang pangungurakot at palakihin ang kanilang napipiga sa pamamagitan ng ibayo pang pagsasamantala at pang-aapi sa bayan, laluna sa masang anakpawis.

Ang hamak na malakolonyal na agraryong katangian ng Pilipinas ang naglalalatag ng kalagayan para sa pag-unlad ng digmang bayan. Ang kawalan ng tunay na lubusang reporma sa lupa ang tumitiyak na talima ang masang magsasaka sa pamumuno ng Partido Komunista ng Pilipinas sa pagsusulong ng rebolusyong agraryo at paglahok sa digmang bayan.

Ang palagiang sosyo-ekonomikong krisis ng naghaharing sistema ay lilikha ng walang kasinlubhang krisis sa pulitika na sapat para hindi na kayanin ng mga naghaharing uring malalaking kumprador at panginoong maylupa na magharing kagaya ng dati. Nagiging mas marahas na ang mga paksyon ng mga

naghaharing uri laban sa isa’t isa habang lumiliit ang mga pakinabang ng kapangyarihang pampulitika sanhi ng lumalalang krisis.

Kagaya ng naipamalas ng masaker sa Ampatuan, maaaring gamitin ng mga reaksyunaryong paksyon ang mga bahagi ng mga pwersang militar, pulis at paramilitar bilang pribadong hukbo nila at magtayo ng sariling lantad na pribadong hukbo sa pamamagitan ng pagkuha ng mga suplay militar sa mga armori ng estado. Ang pamamayagpag ng mga pribadong hukbo ay iniluwal ng patakarang terorismo ng estado laban sa mamamayan.

Hindi pahuhupain kundi patindihin pa ng kasalukuyang eleksiyong presidensyal ang mga kontradiksyon sa hanay ng mga reaksyunaryo. Ang pana-panahong eleksiyon para sa mga upisyal ng reaksyunaryong gubyrno ay nagsisilbing paniyak sa paghahari ng mga pulitikong maka-imperyalista at kinatawan ng malalaking kumprador at panginoong maylupa. Proseso rin ang mga ito para ipwera ang mga kinatawan ng anakpawis at para magpartihan at magrigodon sa kapangyarihan ang mga dinastiya at paksyon sa pulitika.

Nguni ang kasalukuyang halalang presidensyal ay nagbubukas ng daan tungo sa mas malalang krisis ng sistema at higit pang karahasan sa hanay ng mga reaksyunaryo. Higit kailanman ay mas malaki ang ginagastos ngayon ng magkakaribal na paksyon sa pulitika sa kampanyang elektoral. Sisikapin ng mga mananalao na bawiin ang kanilang gastos at tumubo sa kanilang pwesto sa gubyrno. Magpupuyos naman sa sama ng loob ang mga talunan.

Alinmang reaksyunaryong paksyon ang makakuha sa pwesto ng pangulo sa Mayo ay magpapatuloy sa dikta ng US na patakarang tero-

rismo ng estado laban sa mamamayan at mga rebolusyonaryong pwersa. Wala ni isa sa apat na mayor na kandidato sa pagkapangulo ang nagpapahayag ng kaspasyang magsulong ng usapang pangkapayapaan para harapin ang mga ugat ng armadong tunggalian sa pamamagitan ng mga repormang panlipunan, pang-ekonomiya at pampulitika.

Mainam na bagay ang pagtutol ng mga reaksiyunaryo, laluna ng mga maka-imperyalistang militarista at kleriko-pasista, sa usapang pangkapayapaan. Sa gayo'y naiwawaksi ang mga bulaang ilusyon ukol sa usapang pangkapayapaan at higit pang naitutulak ang mga rebolusyonaryong pwersa na tupdin ang malaking tungkuling isulong ang digmang bayan.

Malaon nang ipinangangalandakan ng pinakamasasahol sa mga reaksiyunaryo at mga tagasunod nilang nagkukunwang progresibo, kabilang ang mga taksil na inilantad ng Ikalawang Dakilang Kilusang Pagwawasto, na ang mamamayan at mga pwersa ng bagong demokratikong rebolusyon ay nasapawan at napahina na ng mga di armadong pag-aalsang bayan noong 1986 at 2001 at paghahalinhinan ng mga kunwa'y demokratikong rehimen pagkatapos ng rehimeng Marcos.

Tinatabunan ng mga pumupula sa bagong demokratikong rebolusyon sa pamamagitan ng matagalang

digmang bayan ang katotohanang nag-ambag nang malaki ang mga rebolusyonaryong pwersa sa tagumpay ng mga di armadong pag-aalsang bayan at hindi lamang napanatili kundi napalaki pa ng BHB ang armadong lakas nito kaya kilala na ito bilang pinakamalaking rebolusyonaryong hukbong bayan sa kasaysayan ng Pilipinas. Hindi nasupil ng OBL 1 at 2 ang armadong rebolusyonaryong kilusan. Hindi sinasadya ng mga reaksiyunaryo na amining may makabuluhang lakas ang hukbong bayan tuwing idinedeklara nilang ito pa rin ang pinakamalaking banta sa naghaharing sistema. Ginagawa lamang nilang katawa-tawa ang kaniyang sarili sa walang lubay na pagsasabing may 25,000 mandirigma ang BHB noong kalagitnaan ng dekada 1980 at ngayo'y ilanlibo na lamang ito.

Bawat linggo, bawat buwan at bawat taon, naipamamalas ng BHB ang kakayahan nitong manlipol ng mga yunit ng kaaway at patuloy nitong gagawin ang gayon alinsunod sa patakaran at estratehikong planong sumulong mula sa yugto ng estratehikong depensiba tungong estratehikong pagkapatas. Papabilis pang lalakas ang BHB sa patuloy nitong paggamit sa ispesipikong linya ng malaganap at masinsing pakidigmang gerilya batay sa papalawak at papalalim na baseng masa.

III. Mga rekisitong pampulitika ng digmang bayan

Ang rebolusyonaryong pampulitikang pamumuno ng PKP ang numero unong rekisitong pampulitika ng bagong demokratikong rebolusyon sa Pilipinas at para sumulong mula estratehikong depensiba tungong estratehikong pagkapatas sa matagalang digmang bayan. Ang Partido ang naglatag ng pangkalahatang linya ng bagong demokratikong rebolusyon laban sa malakolonyal at malapyudal na naghaharing sistema.

Sa gabay ng Marxismo-Leninismo-Maoismo, nakaipon ang Partido ng mga karanasan at tagumpay sa pamumuno sa bagong demokratikong rebolusyon. Sa pamamagitan ng paglulunsad ng Ikalawang Dakilang Kilusang Pagwawasto mula 1992 hanggang 1998, nabawi nito ang baseng masang nawala noong una sanhi ng malulubhang kamaliang "Kaliwa" at Kanang oportunismo noong dekada 1980 at napagpanibagong-lakas nito ang armadong rebolusyonaryong kilusan mula dekada 1990.


Ang susing tungkulin ng Partido sa susunod na limang taon ay magrekrut ng di kukulangin sa 200,000 kasapi ng Partido upang

mapalakas ang rebolusyonaryong pamunuan at bag-as ng rebolusyonaryong kilusang masa. Ang kasalukuyang kasapian ng Partido ay sapat na batayan para abutin ang layuning ito sa loob ng dalawang taon alinsunod sa patakaran ng mapangahas na pagpapalawak sa kasapian ng Partido nang walang pinapasok ni isang di kanais-nais na elemento. Dapat rekrutin at pasumpain ng

Partido bilang mga kandidatong kasapi ang mga aktibista sa mga organisasyong masa na tumatanggap sa Konstitusyon at Programa ng Partido.

Ang mga kandidatong kasapi na nagmula sa uring manggagawa at magsasaka ay nagiging ganap na kasapi sa loob ng anim na buwan at ang mga nagmula naman sa petiturbesya, sa loob ng isang taon.

Sa panahon ng pagiging kandidatong kasapi, dapat tiyakin ng kinauukulang organo o yunit ng Partido ang mabuting pagkatao at militansya ng mga kandidatong kasapi sa kilusang masa at dapat silang bigyan ng batayang edukasyong pampartido. Dapat bilisan ng lahat ng namumunong organo at yunit ng Parti-



do ang pagsisikap na iangat tungo sa pagiging ganap na kasapi kapwa ang mga nakaligtaan at bagong kandidatong kasapi ng Partido.

Hindi dapat magkaroon ng mga di kinakailangang pagkaantala bago maging ganap na kasapi ang mga kandidatong kasapi ng Partido. Ang pagkaantala ng pag-aangat ng isang kandidato tungo sa pagiging ganap na kasapi ay karaniwang ibinubunga ng kapabayaang at pagwawalambahala sa pagnanais ng mga kandidatong kasapi na maging ganap na kasapi. Sapat nang ang kandidatong kasapi ay makatapos ng batayang edukasyong pampartido at mapatunayang seryoso sa pagtupad sa tungkuling nakaatag sa kanya sa yunit ng Partido at organisasyong masa.

Para mabilis na maitayo ang Partido, dapat nating pabilisin ang pagtatayo ng mga organisasyong masa ng magsasaka, manggagawa, kabataan, kababaihan, bata, aktibistang pangkultura at iba pang sektor. Sa umpisa ay sapat na ang pagtanggap sa programa at konstitusyon ng organisasyong masa para maging kasapi ang mga aplikante/rekrut. Kung walang lumalaking kilusang masang mapagrekrutan ng mga kandidatong kasapi, ang Partido ay hindi lalaki at hindi makatutupad sa tungkuling pumukaw, mag-organisa at magpakilos ng mas marami pang mamamayan. Relatibo sa estratehikong tungkuling sumulong mula estratehikong depensiba tungong estratehikong pagkapatas, kapwa maliit ang organisasyon ng ating Partido at ang ating organisadong baseng masa. Ngunit higit na sa sapat ang mga ito para hangarin nating kamtin ang antas ng lakas na kailangan para abutin ang bungad ng estratehikong pagkapatas sa loob ng wala pang limang taon kung lalagumin natin nang husto ang mga dahilan ng mabagal na paglaki ng Partido at organisadong baseng masa at

kung itatakda natin ang mga tungkulin para maksimisahin ang ating lakas at igpawan ang mga kamalian at kahinaan.

Ang paglawak ng organisasyon ng Partido at organisadong baseng masa kapwa sa kalunsuran at kanayunan ay maaaring mauna sa paglawak ng hukbong bayan. Maaaring lumawak ang Partido at ang organisadong baseng masa sa lahat ng distritong kongresyunal ng reaksyunaryong estado. Saanman mayroon, dapat palakihin ang kanilang kasapian. Kalaunan, ang ilan sa mga kasapi ng Partido at mga aktibistang masa ay maaaring ilipat nang pana-panahon upang masaklaw ang mga lugar kung saan wala pa o napakaliit ng Partido at mga organisasyong masa.

Sa susunod na limang taon, dapat makapagtayo ng mga sangay ng Partido sa di kukulangin sa 20,000 baryo at dapat makapagpaunlad ng mga kadre ng Partido sa antas rehiyon, subrehiyon, prubinsya, distrito o larangang gerilya at seksyon sa pamamagitan ng iba't ibang antas ng edukasyong pampartido at sa pamamagitan ng gawain sa kilusang masa. Dapat mapamunuan ng mga kadre at kasapi ng partido sa lokalidad ang gawain ng mga organisasyong masa, organo ng kapangyarihang pampulitika, milisyang bayan, kwerpong pananggol ng baryo at mga yunit pananggol ng mga organisasyong masa. Inaako ng milisyang bayan ang papel bilang mga pangunahing pwersa sa paglulunsad ng lokal na pakikidigmang gerilya at bilang sentro de grabidad ng mga kwerpong pananggol ng baryo at mga yunit pananggol ng mga lokal na organisasyong masa.

Dapat nilang mapabwelo ang mga yunit ng BHB sa paglulunsad ng mga taktikal na opensiba. Sa gayon, makapagbubuo ng mga bagong yunit panlaban gamit ang mga armas na nasasamsam sa ka-

away. Dapat na tayong umalpas sa nakagawiang pagtatambak sa mga yunit ng hukbong bayan ng mga tungkuling kaya namang gawin ng mga lokal na sangay ng Partido, mga organisasyong masa at mga lokal na organo ng kapangyarihang pampulitika na siyang mamamahala sa edukasyong publiko, mga usaping pang-ekonomya, kalusugan, pagtatanggol sa sarili, aktibidad pangkultura at arbitrasyon.

Sa pamumuno ng Partido, mabubuo at mapangangasiwaan ng mga organo ng kapangyarihang pampulitika ang milisyang bayan at kwerpong pananggol-sa-sarili ng baryo para sa panloob na seguridad at gawaing pulis. Ang mga organisasyong masa ay makapagbubuo at makapangangasiwa din ng kani-kaninang yunit pananggol-sa-sarili. Dapat umabot sa ilampung libo ang kasapian ng milisyang bayan at kwerpong pananggol-sa-sarili ng baryo—isang platang milisya at isang platang kwerpong pananggol-sa-sarili sa bawat baryo. Ang mga yunit pananggol-sa-sarili ay dapat umabot sa daan-daang libo—isang platang pananggol-sa-sarili sa bawat organisasyong masa sa bawat baryo.

Dapat isailalim ng BHB ang mga yunit nito sa mga takdang panahon ng pulitiko-militar na pagsasanay, pakikipaglaban, gawaing masa at produksyon. Dapat nitong bigyan ng pagsasanay pulitiko-militar ang yunit panlaban nito gayundin ang mga instruktur para sa mga milisyang bayan at yunit pananggol-sa-sarili. Maaaring irelyebo at ipakat ang mga yunit ng BHB para sa mga laban sa loob ng tatlo hanggang anim na buwan, depende sa sitwasyon. Ang punto ay pabilisin ang pagsamsam ng mga armas sa mga pwersang kaaway. Dapat ding irelyebo ang mga yunit ng BHB sa gawaing masa at produksyon para manatili silang malapit sa mamamayan at mapalitaw nila

ang bahagi ng kanilang kinokonsumo.

Narapat para sa Partido na maglagom ng karanasan at kasalukuyang kalagayan at magbalangkas ng mga gabay at plano para sa BHB sa bawat antas rehiyon, subrehiyon, probinsya at distrito o larangang gerilya na may tiyak na rasonableng mga target para sa bilang ng armas na sasamsamin sa mga pwersang kaaway. Kung ano ang reasonable ay ibabatay sa dating karanasan at kasalukuyang kakayahan ng mga yunit ng BHB. Halimbawa, ang isang kumand ng BHB ay pwedeng magrekomenda sa komite ng Partido ng 10% dagdag sa bilang ng armas kada tatlong buwan.

Naglipana ang malalambot na target para sa mga reyd, ambus at operasyong pagdidisarma. Kabilang dito ang mga istasyon ng pulisya, maliliit na detatsment ng Philippine Army, mga yunit paramilitar, mga pribadong ahensyang panseguridad, mga pribadong armadong grupo at mga armadong indibidwal na reaksyunaryo. May mas malalambot pang target para sa mga atritibong aksyon para pahinain at pabagsakin ang moral ng mga pwersang kaaway, pwersahin silang maggwardya at magkamali sa pagpapakat ng tropa at mga rekursu. Madaling mailulunsad ang mga opera-

syon batay sa naiipong impormasyon at napapanahong pagmamamman.

Sa pamamagitan ng pagpapaubaya ng gawaing masa at kilusang masa sa mga lokal na sangay ng Partido, lokal na organo ng kapangyarihang pampulitika at mga organisasyong masa, makapagtitiwala ang BHB na napangangalagaan at napauunlad ang baseng masa habang nakatuon ito sa paglaban at pagdurog sa kapangyarihan at mga makinarya ng reaksyunaryong estado sa malawak na saklaw sa mga lokalidad. Sa gayon, magaganyak at mabibigyang-kakayahan ng BHB ang mamamayan sa mga lokalidad na agawin ang kapangyarihang pampulitika.

Higit na lumalakas at nagiging ligtas ang mga rebolusyonaryong organo ng kapangyarihang pampulitika kapag nadudurog ang reaksyunaryong kapangyarihan at tumatalilis ang mga reaksyunaryo o kaya'y naaalisan ng lokal na kapangyarihan at awtoridad. Ang mga organo ng kapangyarihang pampulitika ay dapat pangunahing nakabase sa mga organisasyong masa ng anakpawis at napalalapad sa pamamagitan ng pakikipagkaisang-prente sa iba't ibang antas laban sa pinakamasasahol na reaksyunaryo.

IV. Estratehiya at mga taktika

Wastong inilatag ng Partido ang pulitiko-militar na stratehikong linya ng matagalang digmang bayan. Nangangahulugan ito ng pagkubkob sa kalunsuran mula sa kanayunan at pag-iipon ng lakas sa mahabang panahon hanggang makaipon na ng sapat na lakas at kakayahan upang agawin ang mga lunsod sa pambansang saklaw sa yugto ng stratehikong opensiba.

Ang linyang ito ay nakabatay sa kalagayan ng Pilipinas kung saan mayorya ng mamamayan ay mga magsasaka at matatagpuan sa kanayunan ang panlipunan at pisikal na tereyn para sa pagbubuo ng hukbong bayan at yugtu-yugtong

pagsusulong ng digmang bayan.

Ang kawastuan ng stratehikong linya ay pinatunayan na ng katotohanang nakapagpreserba ang Bagong Hukbong Bayan at umunlad mula maliit tungong malaki, mula mahina tungong malakas laban sa mga brutal na atake ng kaaway. Kabilang sa mga atakeng iyon ang mga *task force* na lakingdibisyon para sugpuin ang pagusbong ng hukbong bayan noong 1969-1972, ang 14 na taon ng pasistang diktadurang Marcos at ang serye ng mga pambansang kontra-rebolusyonaryong kampanyang militar na inilunsad ng sunud-sunod na kunwa'y demokrati-

kong rehimen pagkatapos ni Marcos.

Sa mahabang panahon ng pasistang diktadurang Marcos, nakapagbuo tayo ng hukbong bayan na nagsimulang may sisiyam na ripleng awtomatik at 26 na mahihinang armas (mga ripleng paisaisang putok at maiiksing baril) noong simula ng 1969 at naabot sa buong bansa ang kabuuang 5,600 ripleng awtomatik noong 1985. Subalit mula 1985, naging kapansin-pansin nang ang BHB ay pinahihi-na ng mga "Kaliwang" oportunidad linya tulad ng "stratehikong kontra-opensiba" at linyang "pulang purok-puting purok" ("*red area-white area*" o RAWA).

Ang mga "Kaliwang" oportunidad linyang ito ay umuk-ok sa lakas ng BHB at sumalanta sa rebolusyonaryong baseng masa at nagresulta sa mahigit 60% pagliit ng baseng masa noong dekada 1980. Kumatag sila sa bitag ng kaaway na nagsagawa ng Oplan Lambat-Bitag (OLB) I, II at III na idinisenyo para sa stratehikong pagkubkob at



“gradual constriction” sa mga yunit ng BHB, at tumugis sa kanila sa pamamagitan ng mga *“special operations team.”*

Pinuna at itinakwil ng Ikalawang Dakilang Kilusang Pagwawasto ang mga *“Kaliwang”* oportunistang linya bilang pagsukol sa sarili at paghiwalay sa masa sa ngalan ng pagpapalakas sa BHB sa pamamagitan ng di kinakailangang bertikalisasyon at adelantadong pagbubuo ng malalaking yunit. Sa mga lugar kung saan nanaig ang *“Kaliwang”* oportunistang linya, isinaisantabi ang pangangailangan sa pahalang na latag ng mga yunit ng BHB, kaya humina at nasira ang malapit na ugnay natin sa masa. Lumiit ang organisadong baseng masa ng rebolusyonaryong kilusan habang lumalaki ang kinakailangang lohistika ng mga kumpanyang binuo nang wala sa panahon.

Sa direksyon ng Partido sa kilusang pagwawasto, kinailangang balikan ng BHB ang mga saligan ng pakikidigmang gerilya. Isinailalim ito sa panibagong oryentasyon, organisasyon at pakat para magsulong ng masinsin at malaganap na pakikidigmang gerilya batay sa papalawak at papalalim na baseng masa. Alam ng kaaway ang pagbabalik sa maliliit na yunit at lumakas ang loob nitong ipakat ang mga *scout ranger team* nito laban sa naturang mga yunit. Ngunit napreserba ng BHB ang sarili at nabawi nito ang baseng masa dahil mismo sa pagtalima sa wastong linya noong buong panahon ng rehimeng Ramos at Estrada.

May negatibo ring aspeto ang pagbibigay-diin sa pahalang na latag ng maliliit na yunit ng BHB para sawatain ang masasamang idinulot ng adelantadong bertikalisasyon at para bawiin ang baseng masa. Nagluwal ito ng gerilyaismo o ng kaisipang rebeldeng lagalag at konserbatismo, laluna sa mga lugar kung saan walang mulat at mapag-



pasyang pagsisikap na paunlarin ang mga rebolusyonaryong pwersa nang balanse at ang kinakailangang ugnayan ng sentro de grabidad at mga nakakalat na yunit sa gawain ng hukbong bayan. Gayunpaman, hangga't lumalaki ang baseng masa, mas madali para sa Partido na iwasto ang konserbatismo at gerilyaismo.

Ang sumunod na malaking hamon sa BHB ay ang Oplan Bantay Laya (OBL) gamit ang brutal na kampanya laban sa mga ligal na aktibistang panlipunan at pwersahang pagpapalikas ng mga magsasaka at katutubong mamamayan sa kanayunan. Di hamak na hinigitan ng OBL ang OLB sa saklaw, tagal, tindi at brutalidad. Ginamit ng US at rehimeng Arroyo (sa sulsol ng mga militarista at kleriko-pasistang aset ng US CIA) ang linya na ang mga progresibong aktibistang panlipunan ay mga nakabalatkayong mandirigma ng BHB at tinaya nilang magiging mas epektibo ang mga kampanyang militar sa kanayunan kung ang naturang mga aktibista ay masusupil sa pamamagitan ng mga pagdukot, pagtortyur at mga ekstrahudisyal na pagpatay.

Pinatunayan ng OBL ang kawalang-kakayahan ng reaksiyunaryong mga pwersang militar, pulis at paramilitar na saklawin kahit 10% man lamang ng teritoryo ng Pilipi-

nas sa bawat takdang panahon. Bwelong-bwelo ang BHB sa 90% ng teritoryo. Kaya nagawa nitong magpalakas at biguin ang mga lalunin ng OBL. Sa OBL, lalong lalong nabantog ang rehimeng Arroyo sa buong mundo sa lansakan at sistematikong paglabag sa karapatang-tao.

Subalit dapat tayong matuto nang husto sa iba't ibang taktikang ginamit ng kaaway sa OBL, tulad ng mga taktikang panindak (*“shock and awe”*) ni General Palaparan sa Oriental Mindoro, Western Samar at Central Luzon, *“convergence”* (pagtutulungan ng militar at mga ahen-syang sibilyan) ni General Gomez sa Bohol, *“sentro de grabidad”* ni General Dagoy at *“pagtutuoan sa sityo”* ni Colonel Bustillos.

Sa estratehikong pananaw, ang lahat ng ito'y pawang mga tigreng papel. Subalit sa taktikal na antas, kung saan sinunggaban nila ang mga larangang gerilya at ang masa, sila'y talagang mababangis na tigreng nagdulot ng isang antas ng pinsala, lumikha ng tunay na mahirap na kalagayan para sa rebolusyon at nagbunsod ng mga kamalian at kahinaan sa panig ng mga suhetibong pwersa ng rebolusyon.

Tinipon at sinuri ng Partido ang mga ulat mula sa mga kaukulang rehiyon at nagbuo ito ng mga plano para pangibabawan ang mga

problema at palakasin pa ang mga rebolusyonaryong pwersa. Natuto tayo ng mahahalagang aral sa paggapi sa mga atake ng kaaway, pagpreserba at pagpapaunlad ng ating mga pwersa at baseng masa, paglulunsad ng ganap na pakikidigmang gerilya at pagsusulong ng rebolusyonaryong pakikibaka. Pinanday tayo ng mahihirap na karanasan at tayo'y higit na lumakas, patuloy na nagdudulot ng mas laganap at mabibigat na bigwas sa kaaway at lagging determinadong isulong at ipagtagumpay ang ating digmang bayan.

Sa kasalukuyan, ang BHB na ang pinakamalaking hukbong bayang naitayo ng Pilipinong anakpawis. Nahigitan na nito ang bilang ng tauhang de-riple sa rebolusyonaryong hukbo noong 1896-1902 at sa lumang hukbong bayan noong 1942-1952. Para makapagmabayang, paulit-ulit ang pagsisinungaling ng mga reaksiyunaryong pwersa na may 25,000 mandirigma ang BHB noong 1986 at matagumpay nila itong napaliit tungong 5,000 o mas mababa pa.

Ang bilang ng riple ng BHB noong 1986 ay 6,100 lamang (karagdagang 500 sa bilang na 5,600 noong 1985) na walang malinaw na pagtaya sa epekto ng mga "Kaliwang" oportunistang linya at kahibangang anti-impormer, partikular ang Kampanyang Ahas sa Minda-

nao. Mula sa datos ng plenum ng Komite Sentral noong 1985, nasa Mindanao ang 50% ng armadong lakas ng BHB noon.

May kritikal nang lakas ang BHB batay sa libu-libo nitong mandirigma na may malalakas na armas. Kapag wastong naipapakat at napakikilos, kaya nitong lumaki nang mabilis at sumulong nang palun-alon at sa depinidong mga yugto (panggitna at abante) ng estratehikong depensiba at sa bungad at unang yugto ng estratehikong pagkapatas. Saan man may mga yunit ng BHB sa ilalim ng anumang antas ng kumand: baryo, seksyon, larangang gerilya, inter-larangan, prubinsya, subrehiyon at rehiyon, dapat magkaroon ng relatibong konsentradong pwersa bilang sentro de grabidad. Dapat ipwesto ang sentro de grabidad sa pinakamainam na tereyn. Habang ang malalakas na erya ay napupuno ng magkakarugtong na lakas-kumpanyang larangang gerilya at naitatransporma tungong mga subrehiyunal na eryang militar at kalaunan bilang mga larangan ng digmang makilos, ang kanilang mga sentro de grabidad ay bubuo ng mas malalakang pwersang bertikal.

Kasabay nito, ang higit na pag-unlad ng mga pwersang horisontal na binubuo ng isang pultaym na platung gerilya sa antas munisipal ay pag-iibayuhin pa ng pagdami ng

mga laking-platun na milisyang bayan, kwerpong pananggol-sa-sarili ng baryo, at yunit pananggol-sa-sarili ng mga organisasyong masa sa antas baryo at ng pagpapakat ng mga armadong partisanong lunsod sa mga sentrong urban na saklaw ng mga larangang gerilya.


Ang kasaluku-

yang bilang ng mga larangang gerilya ay higit sa sapat na tuntungan para saklawin ng Partido, mga organisasyong masa, mga alyansa at mga yunit ng hukbong bayan ang halos lahat kundi man lahat ng 179 distritong kongresyunal sa kanayunan ng reaksiyunaryong estado sa loob ng susunod na dalawa o tatlong taon. Ang lakas ng BHB ay hindi dapat paghati-hatiin at ikalat para lamang masaklaw nang lubos na pantay-pantay ang naturang mga distritong kongresyunal. Dapat magpalakas ang BHB sa kani-kanilang lugar at paalun-along sumulong o magpakat ng mga pauna o pampunlang yunit sa pinakamainam na tereyn sa naturang mga distrito.

Sa susunod na limang taon, ang BHB ay nakatakdang magdulot ng mas matitingkad na pamatay na bigwas sa reaksiyunaryong mga pwersang militar, pulis at paramilitar na magpapabulaan sa sinasabi ng mga reaksiyunaryo, mga huwad na progresibo at taksil na ang BHB ay napinsala at napahina na ng mga antinasyunal at antidemokratikong rehimen pagkatapos ni Marcos at ng mga kampanyang militar nila. Higit sa lahat, determinado ang Partido at BHB na pag-iibayuhin ang armadong lakas at kapangyarihang pampulitika ng masang anakpawis.

Ang malamang na mga dadaang yugto ng pag-unlad ng digmang bayan ay mula sa estratehikong depensiba tungo sa estratehikong pagkapatas at mula dito'y tungo sa estratehikong opensiba. Matapos ang apat na dekada sa estratehikong depensiba, nailatag natin ang batayan para hangarin at abutin ang yugto ng estratehikong pagkapatas sa susunod na limang taon at mula roon ay magpunyaging sumulong tungo sa huling yugto ng estratehikong opensiba.

Dapat nating lagumin ang ating karanasan sa pakikipaglaban



at ang kasalukuyan nating sitwasyon, at magbuo ng mga gabay at plano sa antas ng Komite Sentral, Komisyong Militar at kumand sa operasyon ng BHB; sa antas ng mga komiteng rehiyon ng Partido at mga panrehiyong kumand sa operasyon; at sa antas ng subrehiyon, prubinsya at distrito o larangang gerilya sa layuning makapaglunsad ng mga taktikal na opensiba at madagdagan ang armadong lakas ng BHB upang magawa nating sumulong mula sa estratehikong depensiba tungong estratehikong pagkapatas.

Kakayanin natin sa susunod na limang taon na magkaroon ng tig-iisang larangang gerilya sa lahat ng 179 rural na distritong kongresyunal at magpakat ng mga armadong partisanong lunsod sa lahat ng urban na distritong kongresyunal. Ang pagsaklaw ng isang larangang gerilya sa isang panlalawigang distritong kongresyunal ay mabibigyang-daan ng pagkakaroon at pag-unlad ng mga larangang gerilya sa mga kanugnog na distrito. Hindi magiging pantay ang paglitaw at pag-unlad ng mga larangang gerilya subalit dapat nating pagsikapan lagi na kamtin ang mga takdang pamantayan at itaas ang pangkalahatang antas ng pag-unlad. Dapat tiyakin ng panrehiyong komite ng Partido at kumand sa operasyon ng BHB na ang mga sentro de grabidad sa antas ng rehiyon, subrehiyon, prubinsya at larangang gerilya ay nakapwesto sa kalupaang paborable sa maniobra.

Ang mga larangang gerilya ay higit pang lalawak at lalalim at magiging relatibong istable habang humuhusay ang kanilang koordinasyon sa pamumuno ng Partido at kumand ng BHB sa antas inter-larangan, prubinsya, subrehiyon at rehiyon. Kakayanin pa rin ng mga pwersa ng kaaway na magkonsentra ng pwersa sa kabuuan o bahagi ng isang partikular na larangang gerilya.

Subalit ang ugnayan at koordinasyon ng ilang magkakarugtong na larangang gerilya sa ilalim ng mga kumand na mas mataas sa larangang gerilya at ang pagkakaroon ng mga pwersang panlaban para sa mga kontra-atake ng mga panrehiyon, pansubrehiyon, pamprubinsya o inter-larangang kumand ay magiging susi sa pagpreserba, pagpapalakas at pagpapalawak ng mga larangang gerilya at paglulunsad ng mga koordinadong taktikal na operasyon sa mga eryang saklaw. Mas madali nang makapagkokoordina ang magkakarugtong na larangang gerilya at magkakaroon sila ng mga andana ng kumand tulad ng panrehiyon, pansubrehiyon at pamprubinsya.

Laging tatangkain ng kaaway na estratehikong kubkubin ang mga pwersa natin at maglunsad ng mga estratehikong opensiba. Subalit madaragdagan ang inisyatiba at kakayahan ng BHB na maglunsad ng mga taktikal na pagkubkob at taktikal na opensiba habang umuunlad ang mga panrehiyon, pansubrehiyon at pamprubinsyang kumand. Ang pagdami ng ating mga opensiba ay mag-oobliga sa mga pwersa ng kaaway na dagdagan ang tauhang pandepensa ng mga kampo, mga istasyon ng pulisya at mahahalagang instalasyon at bawasan ang bilang ng mga armadong pwersa para sa mga opensibong operasyon. Gayunman ay mananatiling vulnerable sa mga taktikal na opensiba ng BHB ang mga linya ng patrol at suplay ng kaaway.

Saan man piliin ng kaaway na kubkubin ang ating mga pwersa, hinaharap natin ito sa pamamagitan ng taktikal na kontra-kubkob at pagbira mula sa labas. Kasabay nito, maaari nating agawin ang inisyatibang maglunsad ng mga taktikal na opensiba sa ibang lugar. Napakamakilos ng gerang isinusulong natin. Patuloy nating pinanghahawakan at ginagamit ang mga taktika

ng konsentrasyon, pagpapali-pat-lipat at pagkalat upang makamit ang ating mga layunin batay sa kongkretong kalagayan.

Kailanma't kailangan, pansamantala nating iniwan ang isang lugar. Hindi tayo nakikipagmatigasang depensahan ang isang teritoryo ni sumusuong sa mga labanang magsasapeligro sa alinmang pangunahing yunit ng BHB saanmang larangang gerilya, prubinsya, subrehiyon o rehiyon. Sa lahat ng pagkakataon, ang maliliit nating yunit na nakakalat para sa gawaing masa ay dapat maging alerto para hindi masorpresa at mapasubo sa mga purong depensibong labanan o mga engkwentro.

Humaharap lamang tayo sa mga labanang mabilisang tinatapos at kaya nating ipagwagi. Binibigyang-prayoridad natin ang pagbigwas sa pinakamahihinang bahagi ng kaaway. Bulag at bingi ang kaaway dahil kinamumuhian sila ng mamamayan. Hindi nila matukoy kung saan o kailan aatake ang ating mga pwersa. Pinanghahawakan natin ang buong inisyatiba sa paglulunsad ng mga labang anihilatibo, na makapagpapasulpot ng mga sandata para sa higit pang pagpapalakas ng hukbong bayan at magdudulot ng mga pinsalang makababawas sa lakas at magpapahina sa moral ng mga pwersang kaaway.

Marami ang mga taktikang magpipilian natin, na mas kumplikado at mas mahirap mahulaan ng kaaway kaysa sa isahang pananambang, reyde o operasyong pag-aresto, bagamat kumplikado rin ang mga ito sa usapin ng pagpapakat ng mga yunit pam-*blocking*, pang-*contain* at pang-*close-in*. Ang mga kumplikadong taktikang tinutukoy natin ay kinabibilangan ng sumusunod: pag-akit sa kaaway papasok sa kaloob-looban tungo sa ating *zone of fire* (erya kung saan nakahanda tayong bumira); pag-ambus o pagreyde sa isang pwersa ng ka-

away bilang pauna sa mas malaking bira sa mga reim-porsment; kunwang pagbira sa silangan para makabi-ra sa kanluran; pagbuyo sa kaaway na lumabas ng ba-se at pagwasak sa base; pagpagod sa pwersang ka-away sa pamamagitan ng pagpapasok sa kanila sa ka-loob-looban ng ating teritoryo at pag-ambus sa kani-la kapag pauwi na sa base; at iba pa.

Ang pangunahin nating layunin ay maglunsad at magpanalo ng mga labang panlipol sa mga pwersang kaaway. Dapat din tayong maglunsad ng mga atriti-bong aksyong makapagpapahina at makadedemoralisa sa mga pwersa ng kaaway. Kabilang dito ang pag-is-nayp sa mga sundalong kaaway ng mga pangkat ng is-nayper o mga yunit isparo, paggamit ng mga eksplo-sibo laban sa mga sasakyan ng kaaway, pagsunog sa mga imbakan ng gasolina at mga garahe ng kaaway at iba pa. Mapapadudugo natin hanggang mamatay ang halimaw sa mga labang anihilatibo at atritibong ak-syon.

Ang yugtu-yugtong pagsulong ng ating digmang bayan ay mangangahulugan ng pag-unlad ng ating mga taktika at teknikang militar. Natututunan natin ang ating mga taktika sa paglalagom at pagsusuri sa mga positibo at negatibo nating karanasan. Nang-aagaw tayo ng mga sandata, kagamitang pangkomunika-syon at iba pang lohistika mula sa kaaway.

Ngayon man ay may nagagamit na tayong mga so-pistikadong kagamitang elektronik para sa komunika-syon at pag-iimbak at pagkuha ng impormasyon. Da-pat tayong maging istrikto sa wastong paggamit sa mga ito para sa ating komunikasyon, gawain at mga opensiba. Kung iresponsable ang paggamit natin, ang kagamitan mismong ito ay magagamit ng kaaway pa-ra pinsalaan tayo. Hindi natin dapat kalimutan ang paggamit at pagpapaunlad sa sinauna ngunit mas ma-aasahang paraan ng komunikasyon tulad ng sistemang kuryer na nakabase sa organisadong baseng masa at mga alyansa.

Dapat tayong gumanap ng gawaing pampulitika para makapagrekut ng mga tauhang medikal at iba pang propesyunal at tekniksyon para sa iba't ibang de-partamento ng hukbong bayan at para makapagpaun-lad ng mga alyansa upang maabot natin ang iba't ibang mga serbisyong propesyunal at teknikal. Dapat

nating paunlarin ang produksyon ng hukbong bayan para sa sarili nitong mga pangangailangan at ang pro-duksyon ng mamamayan para sumuporta sa hukbong bayan at mga pamilya ng mga Pulang mandirigma na-tin. Dapat nating likumin ang mga ambag ng masang anakpawis na nakinabang o makikinabang sa mga pa-takaran ng rebolusyonaryong gubyrerno at kilusan.

May kapangyarihang magpataw ng buwis ang gub-yernong bayan upang makontrol at marendahan ang mga empresa at mga ari-ariang kumikita ng upa at tu-bo at upang makalikom ng rekurso para sa paghahatid ng serbisyong panlipunan na kailangang-kailangan ng masa, kabilang ang pangangasiwa at suporta sa mga programa sa produksyon, edukasyon, kalusugan, de-pensa at kaunlarang pangkultura. Kapag nagbibigay ng donasyon sa gubyrernong bayan ang ilang pulitikal na grupo at indibidwal, ang mga ito ay ginagamit sa mga layuning panlipunan at hindi kabayaran sa kara-patang mangampanya o para manalo ng pwesto sa re-aksyunaryong eleksyon.

Bukod sa mga operasyong pangkombat para man-lipol ng mga yunit ng militar, pulisya at pwersang pa-ramilitar at mga pribadong armadong grupo, dapat ta-yong maglunsad ng mga operasyon para arestuhin upang malitis at maparusahan ang mga nagsasaman-tala at nang-aapi na may utang na dugo, mga lumala-bag sa karapatang-tao, mga mandarambong, mga ma-ngangamkam ng lupa, mga sumisira sa kalikasan at mga pangunahing nagsusuplay ng iligal na droga. Da-pat nating lansagin ang mga reaksyunaryong organo ng kapangyarihang pampulitika at mga anti-mamama-yang empresa na nang-aagaw ng lupa at sumisira sa kalikasan.

Dapat nating alisin sa mga larangang gerilya ang mga pusakal na mapagsamantala at mapang-api. Na-palalawak at nakokonsolida natin ang Pulang kapang-yarihang pampulitika sa pamamagitan ng pagpuksa o pagpapalayas sa kanila mula sa mga larangang geril-ya. Dapat tayong maghanda sa pagdami pa ng ma-panghimasok na mga pwersang militar ng US habang matagumpay tayong sumusulong mula sa estratehi-kong depensiba tungong estratehikong pagkapatas. Dapat tayong maging handa sa todo-largang agre-syong militar ng US.

Samantalahin ang krisis na kalagayan sa pamamagitan ng pagpapaigting ng digmang bayan!

Tupdin ang mga rekisitong pampulitika sa pamumuno ng Partido!

Ipagpatuloy ang malaganap at masinsing pakikidigmang gerilya!

Sumulong mula estratehikong depensiba tungong estratehikong pagkapatas!

Isulong ang bagong demokratikong rebolusyon sa pamamagitan ng digmang bayan!



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal na Isyu
Marso 29, 2010
www.philippinerevolution.net

Sumulong mula estratehikong dependensiba tungong estratehikong pagkapatas

*Mensahe sa Bagong Hukbong Bayan
Mula sa Komite Sentral,
Partido Komunista ng Pilipinas*

Sa okasyon ng ika-41 anibersaryo ng pagtatatag ng Bagong Hukbong Bayan (BHB), nagpupugay tayo sa mga Pulang kumander at mandirigma at iniuukol natin ang pinakamataas na parangal sa ating mga rebolusyonaryong martir at bayani. Binabati natin ang hanay ng mga mandirigma sa mga tagumpay nitong nagdaang taon at ginaganyak natin silang magkamit pa ng mga tagumpay sa rebolusyonaryong pakikibaka para sa pambansang kalayaan at demokrasya.

Mula nang ihayag natin ang ating estratehikong planong sumulong mula sa yugto ng estratehikong dependensiba tungong estratehikong pagkapatas sa matagalang digmang bayan, masigasig nang pinagtatalakayan ng mga kadre at kasapi ng ating Partido, mga Pulang kumander at mandirigma, mga aktibistang masa, mga alyado at ng malawak na masa ng sambayanan ang batayan, mga rekisitong pampulitika at ang estratehiya at taktika para sa pagsulong. Bakit at paano tayo magtatagumpay?

Una, ang palagiang krisis na kalagayan ng pandaigdigang sistemang kapitalista at lokal na naghaharing sistema ay nagsisilbing batayan para sa ating estratehikong plano at implementasyon nito sa susunod na limang taon. Ang kalagayang ito ay patuloy na lumalala at lalulu't lalong umiinam para sa pagsusulong ng digmang bayan.

Ikalawa, napanghahawakan ng PKP ang wastong linya sa ideolohiya, pulitika at organisasyon at mabisang nitong napamumunuan ang mamamayan at mga rebolusyonaryong pwersa. Taglay nito ang mayamang rebolusyonaryong karanasan at lahatang-panig na lakas na nakamit sa mahigit 40 taong digmang bayan para tupdin ang mga rekisitong pampulitika ng digmang bayan.

Ikatlo, taglay ng hukbong bayan sa pamumuno ng PKP ang wastong estratehiya at taktikang itinakda ng Partido para isulong ang digmang bayan. Mataas ang moral ng mga Pulang kumander at mandirigma at determinado silang bumigwas sa kaaway at tupdin ang estratehikong plano.



Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com